



Saznajte više o Europskoj školskoj obrazovnoj platformi (ESEP)

eTwinning Državna organizacija za potporu (DOP)



AGENCIJA ZA PREDŠKOLSKO,
OSNOVNO I SREDNJE OBRAZOVANJE

Državne organizacije za potporu odgovorne su za provjeru registriranja korisnika, promicanje eTwinninga u svojim zemljama, kako bi pružili potporu nastavnicima da uspješno provode vlastite projekte za nagrađivanje odgojno-obrazovnih ustanova, te za njihovo uspješno sudjelovanje u **eTwinning** projektima, za organiziranje seminara, obuka za nastavnike i osiguravanje toga da se **eTwinning** razvija na način koji odgovara posebnim potrebama svih odgojno-obrazovnih ustanova.

eTwinning za buduće nastavnike (ITE)

<https://etwinning.indire.it/premi-e-riconoscimenti/ite-award/>

eTwinning uključuje početno obrazovanje nastavnika (ITE) kao strategiju za širenje promicanja eTwinninga i uključivanje budućih nastavnika u cijeli proces. Velik broj primjera pokazuje da je uvođenje eTwinninga u obrazovanje studenata, budućih nastavnika, vrlo vrijedno za njih i njihove institucije.

ITE ambasadori u Bosni i Hercegovini




Zovem se Anita Imre. Docentica sam na Fakultetu prirodoslovno-matematičkih i odgojnih znanosti Sveučilišta u Mostaru. Područje mog znanstvenog interesa je pedagogija ranog i predškolskog odgoja. Kao ITE ambasadorica, koordinirala sam u ožujku 2023. promotivnu aktivnost o ERASMUS+ projektima u Bosni i Hercegovini, eTwinning i EPAL. Uz pomoć Državne organizacije za potporu, eTwinning ambasadora i kolegica ITE ambasadora, nastojat ću naše studente, a buduće odgojitelje što više upoznati s benefitima uključivanja u ovu najveću zajednicu nastavnika u Europi.

email: anita.imre@fpmoz.sum.ba



Zovem se Karmelita Pjanić. Diplomom profesora matematike stekla sam na Prirodno-matematičkom fakultetu Univerziteta u Sarajevu. Nastavak obrazovanja i sticanje diplome magistra kao i doktora nauka, vezuje me za oblasti funkcionalne analize i metodike nastave matematike. Redovni sam profesor u oblasti metodike nastave matematike na Univerzitetu u Bihaću. Moja naučno-istraživačka interesovanja usmjerena su na učenje i poučavanje matematike. Poseban interes usmjeren je na reprezentacije matematičkih pojmova. U tom kontekstu uviđam i mogućnosti koje pruža eTwinning u učenju i poučavanju matematike kroz saradničko i projektno učenje i korištenje IKT alata.

email: kpjanic@gmail.com



Zovem se Tamara Pribišev Beleslin i profesorica sam na Filozofskom fakultetu Univerziteta u Banjoj Luci. Oblast mog interesovanja je vaspitanje i obrazovanje djece u ranom djetinjstvu, a posebno me inspirišu teme poput kreativnosti, rane matematičke pismenosti, dječijih crteža o njihovim digitalnim iskustvima i vaspitanje putem bogato oblikovanog okruženja dječijeg vrtića. Dopadaju mi se i teme predškolskog kurikulumu, istraživanja prakse u predškolsstvu i profesionalnog usavršavanja vaspitača. U eTwinning sam se uključila jer se susrećem sa sjajnim ljudima, idejama i dobrim praksama u obrazovanju. eTwinning inspiriše i razvija radoznalost.

e-mail: tamara.pribisev-beleslin@ff.unibl.org



Sufinansira
Evropska unija




eTwinning ambasadori


Jeste li novi u **eTwinning-u** i niste sigurni što dalje?
Ne brinite više!

eTwinning ambasadori su ovdje da vam daju potporu svojim iskustvom, entuzijazmom i iznimnim eTwinning vještinama i znanjem. Ova aktivna skupina nastavnika temeljna je za uspjeh **eTwinninga** u svakoj zemlji.

eTwinning ambasadori BiH u ciklusu 2024.–2026.



Zovem se Azra Šošć. Profesorica sam engleskog jezika i književnosti. Trenutno sam direktorica u OŠ „Bijelo Polje“ Potoci. Članica sam eTwinning zajednice od 2016. godine, a od decembra 2017. godine sam eTwinning ambasadorica u Bosni i Hercegovini. Osim dugogodišnjeg radnog iskustva, aktivno učestvujem i u drugim međunarodnim projektima. U ovom procesu dajem prioritet unapređenju komunikacijskih vještina kod mojih učenika. Osim rada sa učenicima, kao eTwinning ambasadorica, pokušavam prenijeti svoje iskustvo i znanje o eTwinning-u i svim benefitima koje ova zajednica pruža nastavnicima. Smatram da samo otvoren um i želja za učenjem može pomoći da budemo podrška u osposobljavanju novih generacija.
e-mail: azra_halva@yahoo.com




Zovem se Danka Milić Kezunović i eTwinning ambasadorica sam po treći put. Profesor sam engleskog jezika i književnosti, a trenutno sam direktorka OŠ „Vuk Karadžić“ u Vlasenici. „Branim“ boje eTwinning-a od 2015. godine i smatram da onaj ko želi podučavati, nikada ne smije prestati učiti te svojim primjerom želim pokazati i nastavnicima i učenicima da najveća snaga čovjeka leži u cjeloživotnom učenju.
e-mail: dkezunovic@gmail.com



Zovem se Edisa Zilić. Kao profesorica matematike u Richmond Park međunarodnoj srednjoj školi u Sarajevu nalazim ogromnu radost radeći sa učenicima kako u akademskom tako i odgojnom rastu. Moj cilj je kreirati atmosferu u učionici koja će učiniti da učenici sa radošću dolaze u školu i uče. Jedan od alata koji mi pomaže u težnji ka ostvarenju tog cilja jesu i eTwinning projekti. Jačanje naših međusobnih odnosa u školi, upoznavanje vršnjaka iz drugih škola, gradova, država, razvijanje kompetencija, upoznavanja nauke na zanimljiviji način su samo neke od radosti koje nam donosi eTwinning.
e-mail: edisa.zilic@rps.edu.ba




Zovem se Lejla Hujdur. Kao profesorica matematike, radim više od 20 godina u Srednjoj ekonomskoj školi Sarajevo. Veoma sam zainteresovana za savremene metode u nastavi. Magistar sam ekonomskih nauka. U učionici želim demistifikovati matematiku i povezati je sa ekonomijom, stranim jezicima, informatikom. Ulogu eTwinning ambasadorice preuzela sam 2016. godine i još uvijek sa velikim zadovoljstvom radim na promociji eTwinning-a u svom okruženju i šire.
e-mail: lejla.hujdur@ses.edu.ba




Zovem se Melisa Husejnović i nastavnica sam matematike, ali i strastvena edukatorica koja svoju kreativnost izražava kroz projekte. Posljednje četiri godine sam provela aktivno sudjelujući u eTwinning zajednici. Sudjelovanje u projektima je moj način da povežem matematiku sa svakodnevnim životnim situacijama i potaknem učenike na kreativno razmišljanje. U mom svijetu, matematika i eTwinning su neodvojivi saveznici koji zajedno stvaraju harmoniju između predavanja u učionici i suradnje na globalnoj razini. To je nevjerojatna sinergija - spojiti ljubav prema matematici sa dinamičnim svijetom eTwinning-a.
e-mail: alicmelisa7@gmail.com



Zovem se Nada Sokolović i profesorica sam matematike već 25 godina u JU OŠ „Osman Nakaš“ u Sarajevu. Dobitnica sam priznanja „Nastavnik godine“ u Kantonu Sarajevo / kategorija predmetna nastava - školska 2018/2019. godina. Ponosna sam eTwinning ambasadorica od 2020. godine. Svoj rad, znanje i entuzijazam sam pokazala kroz učešće u preko 250 eTwinning projekata, okitivši se velikim brojem eTwinning nagrada, što je bitan pokazatelj za sve eTwinners-e koji aktivno učestvuju u ovoj najvećoj zajednici nastavnika u Evropi.
e-mail: nada.sokoltnv@gmail.com



Zovem se Selma Mahmić, magistrica razredne nastave i učiteljica u OŠ „Kiseljak 1“ Bilalovac. Učesnica sam brojnih seminara i edukacija iz oblasti odgoja i obrazovanja, ali se odlično snalazim i u ulozi predavača. Dobitnica sam državnih i međunarodnih priznanja i nagrada. Autorica i koautorica sam brojnih stručnih radova i rado učestvujem u eTwinning projektima. Slobodno vrijeme provodim u druženju i putovanjima s porodicom, čitanju, pohađanju online kurseva. Odnedavno sam u ulozi i eTwinning ambasadorice BiH. Smatram da dobar učitelj mora i sam stalno učiti.
e-mail: selmamel.8@gmail.com



Zovem se Snežana Stević, učiteljica sam u JU OŠ „Sveti Sava“ u Zvorniku. S ponosom ističem da sam realizovala preko stotinu eTwinning projekata koji su mene i moje učenike povezali sa školama iz različitih dijelova Evrope. Kroz projekte smo istraživali, učili i dijelili iskustava, stvarajući mostove između kultura i različitosti. Smatram da eTwinning platforma omogućava ne samo sticanje znanja već i razvijanje važnih vještina kao što su timski rad, komunikacija i kreativnost. Radujući se novim izazovima i projektima, nastavljam s posvećenošću da oblikujem budućnost svojih učenika kroz inspirativno učenje i internacionalnu saradnju.
e-mail: snezastevic12@gmail.com